

Na osnovu člana 66. Zakona o porezu na dodatu vrijednost ("Službeni glasnik BiH", broj 9/05, 35/05 i 100/08) i člana 127. Pravilnika o primjeni Zakona o porezu na dodanu vrijednost ("Službeni glasnik BiH", broj 93/05, 21/06, 60/06, 6/07, 100/07 i 35/08) kao i člana 8. Instrukcije o postupku uvođenja posebne šeme dužnika ("Službeni glasnik BiH", broj 35/08), šef Grupe za prinudnu naplatu donosi sljedeće

RJEŠENJE

1. UVODI SE POSEBNA ŠEMA DUŽNIKA AURO d.o.o. adresa/sjedište firme: Bana Jelačića 23 Ljubuški, odgovorna osoba: Vinko Bebek, ID broj 4272099630005, PDV broj 272099630005, za dug po osnovu poreza na dodatu vrijednost u iznosu od 746.836,05 KM.
2. Poreski obaveznik je dužan da u svoje fakture za isporuke licima koja su registrovana za PDV unosi sljedeću klauzulu: "Iznos PDV-a naveden u ovoj fakturi se plaća Upravi sa pozivom na identifikacioni broj: 227143410004".
3. Lice registrovano za PDV koje kupuje dobra i usluge od isporučioaca AURO d.o.o., Bana Jelačića 23 Ljubuški, plaća iznos PDV-a direktno Upravi.
4. Iznosi PDV-a zadržani tokom poreskog perioda, plaćaju se do 5. u mjesecu za prethodni poreski period.

U istom roku poreski obaveznik kupac je dužan dostaviti Upravi za indirektno oporezivanje listu sa podacima za prethodni poreski period za poreskog obveznika dužnika prema kojem je rješenjem uvedena posebna šema, lista treba da sadrži sljedeće:

- iznos zadržanog PDV-a
 - identifikacioni broj isporučioaca dobara ili usluga
 - identifikacioni broj primaoca dobara ili usluga koji je zadržao iznos PDV-a.
5. Posebna šema se primjenjuje od dana objave u "Službenom glasniku BiH".
 6. Dužnik nad kojim se uvodi posebna šema AURO d.o.o., Bana Jelačića 23 Ljubuški, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno sa uvjerenjem o registraciji za PDV.
 7. Žalba ne odlaže izvršenje rješenja.
 8. Ovo Rješenje će biti objavljeno u "Službenom glasniku BiH" i dnevnim novinama.

OBRAZLOŽENJE

Grupa za prinudnu naplatu RC Mostar po službenoj dužnosti, a na osnovu činjenica utvrđenih u postupku prinudne naplate i stanja duga na kartici poreskog obveznika - dužnika AURO d.o.o. adresa/ sjedište firme: Bana Jelačića 23 Ljubuški, započela je

postupak uvođenja dužnika u posebnu šemu radi obezbjeđenja naplate duga po osnovu poreza na dodanu vrijednost evidentiranog u programu ALICE u iznosu od 746.836,05 KM od čega iznos od 454.601,55 KM odnosi se na glavni dug, iznos od 8.852,50 KM odnosi se na naknadni teret prinude i iznos od 283.382,00 KM odnosi se na zatezne kamate. U postupku prinudne naplate poreza na dodanu vrijednost, za svaki porezni period za koje je podnesena prijava samooporezivanja, a ista nije izmirena, kao ni kontrolom utvrđen dodatni razrez obaveze, u skladu sa članom 39. Zakona o porezu na dodanu vrijednost, dužniku je izdat nalog za prinudnu naplatu na osnovu izvještaja o dugu. Shodno navedenom, a temeljem odredbe člana 45. Pravilnika o provedbi Zakona o postupku prinudne naplate indirektnih poreza ("Službeni glasnik BiH", broj 21/06) dana 21.05.2008. godine izdat je Nalog za pljenidbu cjelokupne postojeće i buduće imovine dužnika.

Saglasno odredbi člana 13. Zakona o postupku prinudne naplate indirektnih poreza u BiH ("Službeni glasnik BiH", broj 89/05) nije bilo moguće vršiti pljenidbe novčanih sredstava dužnika na blagajni, a svi bankovni računi su blokirani. Imovina dužnika se nalazi pod hipotekama.

Kako dužnik više nema imovine čijom pljenidbom bi se mogao namiriti dug, a nastavio je poslovanjem usljed kojeg se dug kontinuirani povećava, isti ne poduzima mjere u cilju izmirenja duga, stekli su se uslovi da Grupa za prinudnu naplatu saglasno odredbama člana 66. stav. 3 Zakona o porezu na dodanu vrijednost i člana 127. stav 1. Pravilnika o primjeni Zakona o porezu na dodanu vrijednost započne postupak uvođenja posebne šeme dužnika AURO d.o.o. adresa/ sjedište firme: Bana Jelačića 23 Ljubuški.

Na dan donošenja ovog Rješenja utvrđen je iznos duga od 746.836,05 KM, a koji je utvrđen na osnovu izdatih naloga za prinudnu naplatu prema sljedećoj tabeli (struktura i period iz kojeg potiče):

R. br.	Poreski period	Broj obavjesti o nalogu za prinudnu naplatu	Iznos glavnog duga u KM	Iznos naknadnog tereta prinude u KM	Iznos kamata u KM	Ukupan dug iznos u KM
1	0703	02/5/III-16-D-1-6649/07	87.676,00		59.602,00	147.278,00
2	0705	02/5/III-16-D-1-6658/07	78.489,00		50.437,00	128.926,00
3	0710	02/5/III-16-D-1-6455/07	41.174,00	4.117,40	22.703,00	67.994,40
4	0706	02/5/III-	38.956,00		24.355,00	63.311,00

		16-D-1-4496/07				
5	0707	02/5/III-16-D-1-4970/07	32.635,00		19.796,00	52.431,00
6	0709	02/5/III-16-D-1-6228/07	26.796,00	981,90	15.274,00	43.051,90
7	0703	02/5/III-16-D-1-2657/07	24.755,00		16.828,00	41.583,00
8	0702	02/5/III-16-D-1-1870/07	23.553,00		16.449,00	40.002,00
9	0705	02/5/III-16-D-1-4088/07	20.731,00		13.322,00	34.053,00
10	0704	02/5/III-16-D-1-3253/07	20.478,00		13.552,00	34.030,00
11	0701	02/5/III-16-D-1-1072/07	19.630,55		14.571,00	34.201,55
12	0801	02/5-1/III-16-D-1-489/08	8.617,00	861,70	4.271,00	13.749,70
13	0711	02/5/III-16-D-1-7260/07	7.565,00	756,50	4.035,00	12.356,50
14	0803	02/5-1/III-16-D-1-1539/08	4.336,00	433,60	1.995,00	6.764,60
15	0712	02/5-1/III-16-D-1-142/08	3.520,00	352,00	1.812,00	5.684,00
16	0811	02/5-1/III-16-D-1-5450/08	3.370,00	337,00	1.058,00	4.765,00

17	0901	02/5- 1/III-16- D-1- 847/09	3.099,00	309,90	857,00	4.265,90
18	0807	02/5- 1/III-16- D-1- 3155/08	1.937,00	193,70	748,00	2.878,70
19	1003	02/6- 1/III-16- D-1- 1985/10	1.544,00	154,40	34,00	1.732,40
21	0802	02/5- 1/III-16- D-1- 978/08	1.180,00	118,00	565,00	1.863,00
22	0810	02/5- 1/III-16- D-1- 4945/08	719,00	71,90	239,00	1.029,90
23	0708	02/5/III- 16-D-1- 5470/07	680,00		400,00	1.080,00
24	0907	02/6- 1/III-16- D-1- 4261/09	470,00	47,00	79,00	596,00
25	0809	02/5- 1/III-16- D-1- 4563/08	379,00	37,90	133,00	549,90
26	0808	02/5- 1/III-16- D-1- 4083/08	318,00	31,80	117,00	466,80
27	0902	02/6- 1/III-16- D-1- 1653/09	291,00	29,10	76,00	396,10
28	0806	02/5- 1/III-16- D-1- 2974/08	144,00	14,40	58,00	216,40

29	0903	02/6-1/III-16-D-1-2254/09	43,00	4,30	10,00	57,30
20	1004	Dug po pdv prijavi	1.516,00		6,00	1.522,00
	UKUPNO		454.601,55	8.852,50	283.382,00	746.836,05

Dana 10.02.2010. godine šef Grupe za prinudnu naplatu obratio se aktom u formi inicijative za uvođenje posebne šeme dužnika, Grupi za reviziju i kontrolu, u kojem se poziva na član 3. Instrukcije o postupku uvođenja posebne šeme dužnika ("Službeni glasnik BiH", broj 35/08) analizom dugovanja poreskog obveznika - dužnika AURO d.o.o. adresa/sjedište firme: Bana Jelačića 23 Ljubuški, a prema pokazateljima iz PDV prijava, potrebno je izvršiti inspekcijsku kontrolu s ciljem utvrđivanja opravdanosti uvođenja posebne šeme dužnika. Šefica Grupe za reviziju i kontrolu, RC Mostar, izdala je nalog za kontrolu broj 04/5-2/III-17-D-3-117-1/10 dana 23.02.2010. godine. Na temelju izdatog naloga inspektori Grupe za reviziju i kontrolu sačinili su zapisnik o kontroli broj 04/5-2/III-17-D-3-117-2/10 dana 10.03.2010. godine sa aspekta procjene sljedećih kategorija:

- bilans stanja;
- bilans uspjeha;
- izvještaj o novčanim tokovima.

Inspektori su vršeći kontrolu poreskog obveznika utvrdili da se iz priložene dokumentacije u preduzeću neočekuju neke bitnije transakcije. U bilansu uspjeha za period 01.01.2009. do 31.12.2009. godine iskazana je dobit u iznosu 7.019,01 KM. U novčanim tokovima za 2009. godinu iskazano je povećanje novčanih sredstava u iznosu od 2.998,00 KM. Iz navedenih pokazatelja ne očekuje se pozitivan efekat uvođenja posebne šeme po ocjeni inspektora koji su vršili kontrolu poreskog obveznika.

U skladu sa članom 7. Instrukcije o postupku uvođenja posebne šeme dužnika ("Službeni glasnik BiH", broj 35/08) Grupa za prinudnu naplatu je obavjestila, Sektor za poslovne usluge, Odsjek za prinudnu naplatu dana 22.03.2010. godine aktom broj 02/6-1/III-16-D-2303/10, u prilogu akta dostavljen i zapisnik od izvršenoj kontroli broj 04/5-2/III-17-D-3-117-2/10 od 10.03.2010. godine

Sektor za poslovne usluge, Odsjek za prinudnu naplatu je dana 05.04.2010. godine svojim aktom broj 02/4-16-18-27-364/10 je u vezi s aktom broj 02/6-1/III-16-D-2303/10, a u skladu sa članom 7. stav (3) Instrukcije o postupku uvođenja posebne šeme dužnika ("Službeni glasnik BiH", broj 35/08) i na osnovu prezentiranog činjeničnog stanja donio odluku o opravdanosti i potrebi uvođenja posebne šeme dužnika AURO d.o.o., Bana Jelačića 23 Ljubuški.

Uvidom u zapisnik kontrole utvrđeno je da obveznik raspolaže stalnim sredstvima čija je knjigovodstvena vrijednost znatno veća od iznosa duga pa radi zaštite prihoda koji bi eventualno mogli nastati prodajom istih smatra se opravdanim uvesti dužnika u posebnu šemu.

Također inspektori su konstatovali da se pretežan dio prometa obavlja sa registrovanim PDV obveznicima pa je i ta činjenica značajna sa aspekta opravdanosti uvođenja posebne šeme dužnika.

Ova Odluka temelji se na instrukciji o postupku uvođenja posebne šeme dužnika ("Službeni glasnik BiH", broj 35/08).

Članom 66. stav 3. Zakona o porezu na dodatu vrijednost propisana je mogućnost da UINO naloži za određene registrovane poreske obveznike koji su u dugu - dužnike da se PDV na isporuke registrovanim obveznicima PDV-a plati od strane primaoca isporuke.

Ovakav način plaćanja podrazumjeva uvođenje posebne šeme dužnika koja se primjenjuje u ovom slučaju na obveznika AURO d.o.o. adresa/sjedište firme: Bana Jelačića 23 Ljubuški iz razloga što je u pitanju značajan iznos poreskih prihoda, te bih se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Uvidom u činjenice prikupljene kontrolom obveznika smatra se opravdanim i ekonomičnim postupak uvođenja posebne šeme dužnika radi zaštite potraživanja u iznosu 746.836,05 KM po gore navedenim pokazateljima iz bilansa stanja i uspjeha.

Na osnovu utvrđenih činjenica saglasno odredbama člana 6. stav 1., a primjenom člana 8. stav 1. Instrukcije o postupku uvođenja posebne šeme dužnika, Grupa za prinudnu naplatu je dana 16.04.2010. godine dostavila dužniku AURO d.o.o. adresa/ sjedište firme: Bana Jelačića 23 Ljubuški, pismo namjere, protokolirano brojem 02/6-1/III-16-D-1-2254-1/09 u kojem ga obavještava o iznosu duga i namjeri uvođenja posebne šeme u roku od 30 dana ako dužnik ne izmiri dug ili ne obezbjedi adekvatnu garanciju za plaćanje duga. U pismu namjere dužniku ukazano na obaveze koje mu se stavljaju na teret uvođenjem u postupak posebne šeme.

Kako obveznik u ostavljenom roku se nije oglasio bilo uplatom ili obavještenjem o mogućnosti obezbjeđenja adekvatne garancije, a dug je samo uvećan u proteklih 30 dana odlučeno je da se na ovog obveznika primjeni posebna šema radi obezbjeđenja naplate.

Pri donošenju odluke o uvođenju posebne šeme dužnika Grupa je odlučnim cijenila sljedeće činjenice: iznos duga koji se neprekidno povećava, rizik naplate poreza na dodanu vrijednost iz imovine dužnika jer su na imovini registrovane hipoteke, a naročito historijat ponašanja poreskog obveznika u protekle 3 godine, kao i općim ekonomskim izgledom poreskog obveznika u budućnosti.

Primalac isporuke - kupac plaća iznos PDV-a direktno Upravi i to do 5. u mjesecu za prethodni poreski period gdje u polju "broj poreskog obveznika" unosi PDV broj AURO d.o.o. adresa/ sjedište firme: Bana Jelačića 23 Ljubuški i to: 272099630005.

Odredbom člana 66. Zakona o porezu na dodatu vrijednost propisano je da se odluka o uvođenju posebne šeme ne može primjeniti na bilo kog primaoca isporuke - kupca prije njenog objavljivanja u "Službenom glasniku BiH".

Shodno odredbama člana 128. stav 4. Pravilnika o primjeni Zakona o porezu na dodanu vrijednost, ovo rješenje će biti objavljeno u "Službenom glasniku BiH" i u dnevnim novinama, a isto je poreski obveznik - dužnik obavezan istaći u poslovnim prostorijama na vidno mjesto zajedno sa uvjerenjem o registraciji za PDV.

Odredbom člana 137. stav 1. Zakona o postupku indirektnog oporezivanja ("Službeni glasnik BiH", broj 89/05), žalba ne odlaže izvršenje Rješenja.

Pouka o pravnom lijeku:

Protiv ovog Rješenja može se uložiti žalba prvostepenom organu u roku od 15 dana od dana prijema rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH ("Službeni glasnik BiH", broj 16/02, 19/02, 43/04, 8/06 i 24/06).

Broj 02/6-1/III-16-D-1- 2254-2/09
18. maja 2010. godine
Mostar

Šef
Grupe za prinudnu naplatu
Ranko Todorović, s. r.